

Izveštaj o radu Uprave policije MUP-a Kantona Sarajevo za mjesec septembar 2022. godine

KRIMINALITET

STATISTIČKI POKAZATELJI

U mjesecu septembru 2022. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 326 događaja sa obilježjem krivičnog djela (što je za 79 ili 19,5% manje u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 159 ili 48,8% je evidentirano po poznatom izvršiocu, a 167 ili 51,2% po nepoznatom izvršiocu.

Od ukupno 167 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 55 događaja ili 32,9% što je za 17,2% više u odnosu na uporedni mjesec.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 153 obavijesti (38 manje) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU SEPTEMBRU 2022./21. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
SEPTEMBAR 2022. GODINE	326	159	167	55	38	195	2	122	82
SEPTEMBAR 2021. GODINE	405	208	197	31	24	193	4	117	81
<i>uporedba</i>	-79	-49	-30	24	14	2	-2	5	1
	-19,5%	-23,6%	-15,2%	77,4%	58,3%	1%	-50%	4,3%	1,2%

U toku mjeseca septembra ove godine prijavljeno je 195 lica (dva više), od kojih su 122 povratnika (pet više) (ili 62,6% od ukupnog broja prijavljenih lica), dva maloljetnika (dva manje), a 82 lica je lišeno slobode (jedan više).

Za događaje sa obilježjem krivičnog djela, koji su evidentirani u mjesecu septembru 2022. godine, prema izjavama oštećenih lica, nastupila je materijalna šteta u ukupnom iznosu od 432.424,00 KM.

TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU SEPTEMBRU 2022./21. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a I KZ BiH

KZ FBiH-a i KZ BiH-a	SEPTEM BAR 2022. GODINE	SEPTEM BAR 2021. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijtjenih događaja	
			+ / -	%			broj	%
Protiv života i tijela	16	23	-7	-30,4%	14	2	1	50%
Protiv slobode i prava čovjeka i građanina	23	26	-3	-11,5%	22	1	2	200%
Protiv spolne slobode i morala	2	1	1	100%	2	0	0	---
Protiv braka, porodice i mladeži	19	20	-1	-5,0%	18	1	1	100%
Protiv zdravlja ljudi	27	22	5	22,7%	27	0	0	---
Protiv imovine	191	265	-74	-27,9%	36	155	45	29%
Protiv okoliša, poljoprivrede i prirodnih dob.	0	1	-1	---	0	0	0	---
Protiv opće sigurnosti ljudi i imovine	9	11	-2	-18,2%	3	6	5	83,3%
Protiv sigurnosti javnog prometa	9	8	1	12,5%	9	0	0	---
Protiv pravosuđa	0	2	-2	---	0	0	0	---
Protiv javnog reda i pravnog prometa	20	20	0	isto	18	2	1	50%
Protiv podmičivanja i KD protiv službene i druge odgovorne funkcije	2	4	-2	-50%	2	0	0	---
Krivična djela korupcije i krivična djela protiv služ. i druge odgov. funkcije (KZBiH)	1	0	1	---	1	0	0	---
Krivična djela protiv pravosuđa (KZBiH)	3	0	3	---	3	0	0	---
Dogovor, pripremanje, udruživanje i organizirani kriminal (KZBiH)	1	0	1	---	1	0	0	---
ZONDINOIM-a (Sl.novine Kantona Sarajevo br.01/18)	3	2	1	50%	3	0	0	---
UKUPNO	326	405	-79	-19,5%	159	167	55	32,9%

U mjesecu septembru 2022. godine u odnosu na isti mjesec prethodne godine, zabilježeno je značajno smanjenje broja registrovanih događaja sa obilježjem krivičnog djela za 79 ili 19,5%. Smanjenja su zabilježena u oblasti protiv imovine (za 74), života i tijela (za sedam), slobode i prava čovjeka i građanina (za tri), opće sigurnosti ljudi i imovine (za dva događaja), itd. dok je značajnije povećanje evidentirano u oblasti protiv zdravlja ljudi (za pet događaja).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

U mjesecu septembru 2022. godine evidentirano je 16 događaja sa obilježjem krivičnog djela iz oblasti protiv života i tijela (sedam manje u odnosu na mjesec septembar 2021. godine) i to 14 po poznatom i dva po nepoznatom izvršiocu. Evidentirani su slijedeći događaji:

- teška tjelesna ozljeda (član 172. KZ FBiH) – sedam i
- lahka tjelesna ozljeda (član 173. KZ FBiH) – devet događaja.

Nadležnom tužilaštvu podneseni su službeni izvještaji protiv 14 lica, od kojih je osam povratnika (ili 57,1%), a tri su lišena slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 23 događaja sa obilježjem krivičnog djela (tri manje) i to ugrožavanje sigurnosti – 19, protupravno lišenje slobode – tri i narušavanje nepovredivosti doma – jedno djelo, za čije su izvršenje prijavljena 24 lica, od kojih je 15 povratnika (ili 62,5%), a devet je lišeno slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu septembaru evidentirano je 19 događaja sa obilježjem krivičnog djela (jedan manje) i to: nasilje u porodici - 16, napuštanje djeteta, izbjegavanje izdržavanja i napuštanje djeteta u pomaganju – po jedan događaj, za čije je izvršenje prijavljeno 18 lica, od kojih je 12 povratnika (ili 66,7%), a osam je lišeno slobode.

PROTIV ZDRAVLJA LJUDI

Evidentirano je 27 događaja sa obilježjem krivičnog djela iz ove oblasti (pet više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – tri i
- posjedovanje i omogućavanje uživanja opojnih droga (čl. 239. KZ FBiH) – 24 događaja.

Nadležnom tužilaštvu podneseni su službeni izvještaji protiv 29 lica, među kojima je 18 povratnika (ili 62,1%) i 16 lica je lišeno slobode.

Policijски službenici Uprave policije su Kantonalnom tužilaštvu Sarajevo podnijeli službeni izvještaj protiv tri lica, zbog postojanja osnova sumnje da su u proteklom periodu u više navrata kupovali opojnu drogu "Marihuanu", „Amfetamin“ od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 26 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Heroin”, "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU SEPTEMBRU 2022./21. GODINE

VRSTA OPOJNE DROGE	SEPTEMBAR 2022.GODINE	SEPTEMBAR 2021. GODINE
Marihuana (u gramima)	157,15	30,966
Marihuana (paketići)	32	7
Heroin (u gramima)	1,471	---
Amfetamin (paketići)	32	---
Amfetamin (u gramima)	805	20
Ecstasy (tablete)	1	1
Speed (paketići)	16	3
Speed (u gramima)	---	---
Kanabis (stabljika)	---	1
pribor sa ostacima droge (komada)	4	---

PROTIV IMOVINE

U ovom mjesecu, evidentiran je 191. događaj sa obilježjem krivičnog djela protiv imovine (36 po poznatom i 155 po nepoznatom izvršiocu) što je za 74 ili 27,9% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 90 (35 manje),
- krađa (član 286. KZ FBiH) – 59 (pet manje),
- oštećenje tuđe stvari (član 293. KZ FBiH) – 22 (osam više),
- razbojništvo (član 289. KZ FBiH) – šest (19 manje),
- prijevera (član 294. KZ FBiH) – pet (14 manje),
- teška krađa u pokušaju (član 287. u vezi člana 28. KZ FBiH) – tri (jedan manje), itd.

Nadležnom tužilaštvu podneseni su službeni izvještaji protiv 61. lica, od kojih je 46 povratnika (ili 75,4%), a 19 je lišeno slobode.

Od ukupno 155 događaja evidentiranih po nepoznatom izvršiocu iz oblasti protiv imovine naknadno je rasvijetljeno 45 događaja ili 29% što je za 12,7% više u odnosu na septembar 2021. godine.

Tokom mjeseca septembra ove godine 26 teških krađa izvršeno je u stambene objekte (22 manje), 24 u motorna vozila (otuđenja motornih vozila i “provale” u ista) (devet manje), 22 u poslovne prostore (dvije manje), na ulici – tri (jedna manje), itd.

Evidentirano je sedam otuđenja putničkih motornih vozila što je za šest ili 46,2% manje u odnosu na uporedni mjesec.

Takođe, u septembru 2022. godine, pronađeno je i vraćeno šest motornih vozila. (Od strane policijskih službenika Uprava policije MUP-a KS – vraćena su tri vozila, MUP-a RS-a – jedno i vlasnici su pronašli dva vozila). Zbog postojanja osnova sumnje da su učestvovali u otuđenju motornih vozila nadležnom tužilaštvu podneseni su službeni izvještaji protiv tri lica.

Evidentirano je 59 događaja sa obilježjem krivičnog djela krađe (pet manje) i to: na ulici – 21 put, u poslovnim prostorima – 19, u stambenim objektima - sedam, u vozilima i na stajalištima GRAS-a – sedam, itd. odakle su otuđivani mobiteli, novčanici, prehrambeni proizvodi, bicikli, gorivo, itd.

Evidentirana su tri događaja sa obilježjem krivičnog djela teških krađa na naročito opasan ili naročito drzak način (jedan manje), u kojima su izvršiocu, upotrebom fizičke snage (otimanjem i trganjem) otimali torbe sa novcem i dokumentima, kao i jedan pištolj sa pripadajućim okvirom i municijom. Svi ovi događaji evidentirani su na ulici.

Nadležnom tužilaštvu podneseni su službeni izvještaji protiv tri lica, povratnika u činjenju krivičnih djela, koji su lišeni slobode.

U mjesecu septembru ove godine evidentirano je šest događaja sa obilježjem krivičnog djela razbojništva (19 manje), jedan po poznatom i pet po nepoznatom izvršiocu i to na području slijedećih policijskih uprava: PU Novi Grad - dva (dva manje), PU Centar – jedan (osam manje), PU Novo Sarajevo - jedan (četiri manje), PU Ilidža - jedan (tri manje) i Uprava policije u sjedištu – jedan (isto).

Nadležnom tužilaštvu podneseni su službeni izvještaji protiv tri lica, povratnika u činjenju krivičnih djela koja su lišena slobode. Od ukupno pet događaja razbojništava evidentiranih po nepoznatom izvršiocu, naknadno su rasvijetljena tri ili 60% što je za 37,3% više u odnosu na uporedni mjesec.

Razbojništva su izvršena prijetnjom upotrebe noža ili drugog oštrog predmeta i upotrebom fizičke snage – po tri puta, a počinjena su na ulici – četiri puta, u apoteci i u ugostiteljskom objektu – po jednom, pri čemu je otuđen novac i mobiteli.

PROTIV OPĆE SIGURNOSTI LJUDI I IMOVINE

Iz ove oblasti evidentirano je devet događaja (jedan više) i to: izazivanje opće opasnosti – osam i nesavjesno čuvanje pasa i drugih opasnih životinja - jedan događaj, a nadležnom tužilaštvu podneseni službeni izvještaji protiv osam lica, od kojih je pet povratnika (62,5%), a četiri su lišena slobode.

Događaji sa obilježjem krivičnog djela izazivanje opće opasnosti evidentirani su na otvorenom prostoru – sedam puta i u stambenom objektu – jednom, pri čemu je u jednom slučaju bačena nepoznata eksplozivna naprava koja nije eksplodirala, pet puta je otvorenim plamenom izazvan požar i u dva slučaja je upotrijebljeno vatreno oružje. Posljedice su nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 20 događaja sa obilježjem krivičnog djela (isti broj) i to: nasilničko ponašanje – 11, napad na službenu osobu u vršenju poslova sigurnosti i nedozvoljene držanje oružja ili eksplozivnih materija – po četiri i krivotvorenje isprave – jedan događaj.

Nadležnom tužilaštvu podneseni su službeni izvještaji protiv 25 lica od kojih je 14 povratnika (ili 56%), a 15 lica je lišeno slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu septembru 2022. godine evidentirana su dva događaja sa obilježjem krivičnog djela, u kojima su učestvovala dva maloljetna lica. U odnosu na septembar 2021. godine smanjen je broj događaja sa obilježjem krivičnog djela za jedan ili 33,3%, kao i broj maloljetnih lica za dva ili 50%. Prijavljeni maloljetnici su uzrasta 16 i 17 godina.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU SEPTEMBRU 2022/2021. GODINE

mjesec	Broj događaja sa obilježjem krivičnog djela	Broj evidentiranih maloljetnih lica
SEPTEMBAR 2022. GODINE	2	2
SEPTEMBAR 2021. GODINE	3	4
uporedba	-1 ili 33,3%	-2 ili 50%

Događaji sa obilježjem krivičnog djela u kojima su učestvovala maloljetna lica, evidentirani su u:

- PU Novo Sarajevo – jeda događaj (nasilničko ponašanje),
- PU Novi Grad – jedan događaj (ugrožavanje sigurnosti).

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U SEPTEMBRU 2022/2021. GODINE

(KZ FBiH) događaja sa obilježjem krivičnog djela	septembar 2022.	septembar 2021.
lahka tjelesna ozljeda	---	1
ugrožavanje sigurnosti	1	---
teška krađa	---	2
nasilničko ponašanje	1	---
UKUPNO	2	3

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca septembra 2022. godine na području Kantona Sarajevo evidentirana su dva događaja aktiviranja minsko-eksplozivnih sredstava (isto u septembru 2021. godine) usljed čega je nastupila materijalna šteta. Preduzimaju se aktivnosti na rasvjetljavanju ovih događaja i pronalaženju učinilaca.

U toku septembra 2022. godine nije bilo evidentiranih slučajeva anonimnih dojava o postavljenoj eksplozivnoj napravi (jedan u septembru 2021. godine).

POŽARI

Tokom mjeseca septembra 2022. godine, na području Kantona Sarajevo registrovano je 10 požara (jedan više u odnosu na isti mjesec prethodne godine), koji su za posljedicu imali materijalnu štetu. Prema statističkim pokazateljima, četiri požara su izazvana namjerno, četiri zbog tehničkih nedostataka, jedan nehatom, dok uzrok jednog požara spada u kategoriju ostalih.

Požari su registrovani u:

- Stambenom objektu - četiri puta
- Saobraćajnom sredstvu - četiri,
- Poslovnom prostoru - jednom,
- Ostalim objektima – jednom

Zbog izazivanja požara nadležnom tužilaštvu podneseno je pet službenih izvještaja iz člana 323 KZ FBiH (izazivanje opće opasnosti).

SAMOUBISTVA

U mjesecu septembru 2022. godine na području Kantona Sarajevo registrovano je jedno samoubistvo (isti broj) koje je izvršeno vješanjem.

Samoubistvo je izvršio muškarac starosne dobi 40 godina.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je osam pištolja, dva noža, 23 komada municije različitog kalibra i dva predmeta podobna za nanošenje tjelesnih ozljeda.

Fizičkim licima izdato je 226 odobrenja za nabavku vatrenog oružja i 154 oružna lista.

JAVNI RED I MIR

U toku mjeseca septembra 2022. godine u oblasti protiv javnog reda i mira evidentirano je 412 prekršaja (118 ili 40,1% više u odnosu na isti mjesec 2021. godine), a za izvršenje navedenih prekršaja prijavljeno je 438 lica (132 ili 43,1% više), od čega su 83 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 324 naloga i podneseno je 88 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 391 prekršaj (ili 94,9%), a na prekršaje koji su utvrđeni Odlukom općinskih vijeća o javnom redu i miru 21 (ili 5,1%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (211), između 26 i 35 godina (155), između 19 i 25 godina (70) i do 18 godina dva lica.

Prilikom narušavanja javnog reda i mira u mjesecu septembru 2022. godine, nije bilo teže povrijeđenih lica (isto kao u septembru 2021. godine), dok je 17 lica (13 više) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC SEPTEMBAR 2022/2021.GODINA

STRUKTURA PREKRŠAJA	septembar 2022.	septembar 2021.	uporedba
UKUPNO prekršaja	412	294	+118 ili 40,1%
UKUPNO lica	438	306	+132 ili 43,1%
Prekršaji prema Zakonu JRiM:	391	270	+121 ili 44,8%
<i>-Tuča</i>	33	23	+10 ili 43,5%
<i>-Naročito drsko ponašanje</i>	46	37	+9 ili 24,3%
<i>-Odbijanje naređenja i omalovažavanje pol. služb.</i>	33	20	+13 ili 65%
<i>-Prosjačenje</i>	149	109	+40 ili 36,7%
<i>-Uživanje opojne droge na javnom mjestu</i>	26	8	+18 ili 225%
<i>-Svađa, vika, nepristojno ponašanje</i>	21	11	+10 ili 90,9%
<i>-Ostali prekršaji</i>	83	62	+21 ili 34%
Prekršaji prema Odluci općinskih vijeća o JRM	21	24	-3 ili 12,5%

Iz tabelarnog pregleda vidljivo je, da je tokom mjeseca septembra 2022. godine, u odnosu na septembar prethodne godine prema strukturi prekršaja povećan broj:

- prosjačenje za 40 ili 36,7%,
- ostali prekršaji za 21 ili 34%,
- uživanje opojne droge na javnom mjestu za 18 ili 225%
- odbijanje naređenja i omalovažavanje policijskih službenika za 13 ili 65%,
- svađa, vika, nepristojno ponašanje za 10 ili 90,9%;
- tuča za 10 ili 43,5% i
- naročito drskog ponašanja za devet ili 24,3%,

dok je smanjen broj:

- prekršaja koji su regulisani Odlukom općinskih vijeća za tri ili 12,5%.

Prema vrsti prekršaja, najbrojniji su sljedeći prekršaji: prosjačenje (149 ili 36,2% od ukupnog broja), naročito drsko ponašanje (46 ili 11,2%), tuče (33 ili 8%) odbijanje naređenja i omalovažavanje policijskih službenika (33 ili 8%), uživanje opojne droge na javnom mjestu (26 ili 6,3%) i svađa, vika, nepristojno ponašanje (21 ili 5,1%) Takođe, evidentirana su 83 prekršaja iz kategorije ostali prekršaji i 21 prekršaj koji su regulisani Odlukom općinskih vijeća.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (387 ili 93,9% od ukupnog broja), a znatno manje u ugostiteljskim objektima – devet, u školama i školskim dvorištima, sportskim stadionima i dvoranama, u trgovinskim i zanatskim radnjama – po jedan i na ostalim mjestima 13 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC
SEPTEMBAR 2022/2021. GODINE

MJESTO IZVRŠENJA	SEPTEMBAR 2022.	SEPTEMBAR 2021.	uporedba
Ulica i drugi otvoreni prostor	387	278	+109 ili 39,2%
Ugostiteljski objekti	9	2	+7 ili 350%
Vozila javnog saobraćaja	---	1	-1
Sportski stadioni i dvorane	1	---	+1
Škole i školska dvorišta	1	---	+1
Trgovinske i zanatske radnje	1	---	+1
Ostala mjesta	13	13	isti broj
UKUPNO	412	294	+118 ili 40,1%

U odnosu na isti mjesec 2021. godine, smanjen je broj prekršaja evidentiranih u vozilima javnog saobraćaja, dok je povećan broj prekršaja na svim ostalim mjestima.

Na području Kantona Sarajevo u mjesecu septembru 2022. godine održano je 375 javnih skupova (114 ili 43,7% više u odnosu na mjesec septembar 2021. godine). Policijski službenici Uprave policije proveli su planske aktivnosti za bezbjedno održavanje javnih skupova i izvršili 87 KDZ osiguranja.

SAOBRAĆAJ

Na području Kantona Sarajevo u mjesecu septembru 2022. godine registrovano je 940 saobraćajnih nezgoda (277 ili 41,8 % više), od čega je 855 sa materijalnom štetom (274 ili 47,2% više) i 85 sa nastradalim licima (tri ili 3,6 % više).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU SEPTEMBRU 2022./21. GODINE

	sep. 2022	sep. 2021	uporedba
UKUPNO SAOBRAĆAJNIH NEZGODA	940	663	+ 277 ili 41,8 %
Saobraćajne nezgode sa nastradalim licima	85	82	+ 3 ili 3,6 %
Saobraćajne nezgode sa materijalnom štetom	855	581	+ 274 ili 47,2 %
POGINULO LICA	0	4	- 4
- vozači	0	3	- 3
-putnici	0	1	- 1
- pješaci	0	0	-----
POVRIJEĐENO LICA	109	103	+ 6 ili 5,8 %
- vozači	60	61	- 1 ili 1,6 %
- putnici	28	30	- 2 ili 6,7 %
- pješaci	21	12	+ 9 ili 75 %

U naselju su registrovane 842. saobraćajne nezgode (81. sa povrijeđenim licima i 761. sa materijalnom štetom), van naselja 98 nezgoda (četiri sa povrijeđenim licima i 94 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU SEPTEMBRU 2022. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
U naselju		9	72	761	842		10	95
Van naselja			4	94	98			4
Ukupno		9	76	855	940	0	10	99

Prema **kategoriji puta**, najveći broj saobraćajnih nezgoda registrovan je:

- na ulicama u naselju - 447 nezgoda u kojima su 63 lica povrijeđena (osam teže i 55 lakše),
- na lokalnim putevima - 136 (14 lica lakše povrijeđeno),
- na magistralnim putevima - 98 (11 lica povrijeđeno, dvoje teže i devet lakše),
- na regionalnim putevima - 69 (tri lica lakše povrijeđena),
- na putevima koji se ubrajaju u kategoriju ostalih - 190 (18 lica lakše povrijeđeno).

POS LJEDICE SAOBRAĆAJNIH NEZGODA

Tokom mjeseca septembra 2022. godine, u saobraćajnim nezgodama na području Kantona Sarajevo 109 lica je povrijeđeno (šest ili 5,8 % više), od čega 10 teže (20 ili 66,7 % manje) i 99 lakše (26 ili 35,6 % više). Poginulih lica nije bilo (u istom mjesecu prošle godine četiri lica su poginula).

LICA POVRIJEĐENA U SAOBRAĆAJNIM NEZGODAMA

Od ukupno 109 povrijeđenih lica u mjesecu septembru 2022. godine, evidentirano je: 60 vozača (četiri teže i 56 lakše), 28 putnika (tri teže i 25 lakše) i 21 pješak (tri teže i 18 lakše).

Starosna struktura nastradalih lica u saobraćajnim nezgodama je slijedeća:

- ispod šest godina - dva lica,
- od 6 do 17 godina - 6,
- od 18 do 20 godina - 11,
- od 21 do 24 godine - 17,
- od 25 do 30 godina - 17,
- od 31 do 40 godina - 18,
- od 41 do 50 godina - 16,
- od 51 do 65 godina - 14,
- 66 i više godina - šest,
- Nepoznata starosna dob - dva lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - 14 lica,
- od 23 do 30 godina - 9,
- od 30 do 40 godina - 12,
- od 40 do 50 godina - 10,
- od 50 do 60 godina - osam,
- 60 i više godina - pet,
- Nepoznata starosna dob - dva lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, uzroci saobraćajnih nezgoda su:

- neprilagođena brzina - 161 (34 lica povrijeđena, jedno teže i 33 lakše),
- uticaj alkohola - tri (bez nastradalih lica),
- ostali uzroci - 776 (75 lica povrijeđeno, devet teže i 66 lakše).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca septembra 2022. godine, policijski službenici Uprave policije MUP-a Kantona Sarajevo kontrolisali su:

- 16.208 vozila i vozača (798 više),
- 7.424 lica u vozilima (4.074 više),
- pregledali 437 vozila (247 više) i 306 lica u vozilima (154 više).

Zbog tehničke neispravnosti iz saobraćaja je isključeno 27 vozila (20 manje), 279 vozača je zatečeno da upravljaju vozilom pod dejstvom alkohola (56 više), 358 lica bez korištenja sigurnosnog pojasa (43 više), 158 vozača bez položenog vozačkog ispita (28 manje), 37 vozača pod izrečenom zaštitom

mjerom (isti broj), 356 vozača je zatečeno da koriste mobitel tokom vožnje (10 više) i 196 vozila koja su učestvovala u saobraćaju bez važeće registracije (10 manje).

Zbog kršenja propisa iz oblasti sigurnosti saobraćaja uručeno je 16.210 prekršajnih naloga vozačima (1.663 ili 11,4 % više u odnosu na mjesec septembar prošle godine) i podneseno 258 zahtjeva za pokretanje prekršajnog postupka (46 ili 21,7 % više).

Tokom mjeseca septembra 2022. godine, nije bilo oduzimanja motornih vozila od višestrukih povratnika u vršenju prekršaja iz oblasti ZOOBS-a.

MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca septembra 2022. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 9.749 prekršajnih naloga (3.544 više), upozoren je 251 vozač (61 više), a specijalnim vozilom "pauk" premješteno je 105 vozila (36 više).

Takođe, pješacima koji su kršili propise uručena su 74 prekršajna naloga (36 manje), a upozorena su 83 pješaka (54 više).

ZAKONITOST U RADU

Tokom mjeseca septembra 2022. godine, registrovana su četiri pojedinačna napada (dva više) na policijske službenike Uprave policije MUP-a Kantona Sarajevo. U napadima su učestvovala četiri punoljetna lica koja su u tri slučaja koristila fizičku snagu, a u jednom slučaju oruđa i druge predmete.

Takođe, u mjesecu septembru 2022. godine registrovana su tri slučaja upotrebe sile (u istom mjesecu prošle godine nije bilo registrovanih slučajeva upotrebe sile).

Jedna upotreba sile je opravdana, dok je postupak pravdanja dvije upotrebe sile u toku.

Razmatrana je 31. predstavka na rad policijskih službenika. Nakon razmatranja Odbor za žalbe javnosti Skupštine Kantona Sarajevo donio je zaključak da se za devet predstavki (pet više) provede unutrašnja istraga, za 20 predstavki je odlučeno da se izvrše provjere i prikupi dokumentacija, dok je u dva slučaja predstavka neosnovana.

Od 31. razmatrane predstavke, 23 su podnesene od strane građana, dok osam predstavki predstavljaju saznanja iz službe.

Okončano je 20 unutrašnjih istraga među kojima je sedam bilo bez dovoljno dokaza, u šest slučajeva predstavke su osnovane, u četiri neosnovane, u dva slučaja interni postupak je prekinut, dok je u jednom slučaju postupak obustavljen.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su i tokom mjeseca septembra 2022. godine provodili aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Po pitanju prevencije i koordinacije Rada policije u zajednici sa vladinim i nevladinim organizacijama kao i implementacije javnih kampanja s ciljem podizanja svijesti građana o važnosti jačanja partnerskog odnosa između policije i lokalne zajednice, realizovane su slijedeće aktivnosti:

U toku mjeseca septembra 2022. godine održane su edukativne radionice za učenike osnovnih i srednjih škola na području Kantona Sarajevo i to:

- „Stop vršnjačkom nasilju“ – za 22 učenika osnovnih škola,
- „Cyberbullying“ – za 44 učenika osnovnih škola,
- „Djeca u saobraćaju“- za 786 učenika osnovnih škola,
- „Oružje ne štiti, oružje ubija“ – za 135 učenika srednjih škola

Osim navedenog, policajci u zajednici su povodom početka školske godine kontinuirano vršili pojačan obilazak osnovnih i srednjih škola kao i autobuskih, tramvajskih i trolejbuskih stajališta u cilju nesmetanog odlaska i povratka djece sa nastave, kao i građana prilikom odlaska i povratka sa posla, kako bi se prevenirala eventualna izvršenja krivičnih djela i narušavanje javnog reda i mira,

Policajci u zajednici su pratili poštivanje izrečenih zaštitnih mjera od strane Općinskog suda u Sarajevu iz oblasti nasilja u porodici. S tim u vezi, obilazili su i kontaktirali žrtve nasilja kao i nasilnike, kako bi osigurali poštivanje izrečenih mjera, veći stepen sigurnosti za žrtve i preventivno djelovanje na eventualno ponavljanje nasilja.

Policajci u zajednici su takođe ostvarivali kontakte sa građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira prosjačenjem, kao i eventualnog činjenja krivičnih djela krađa i drskih krađa.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo, u mjesecu septembru 2022. godine, u prihvatnim, azilantskim i imigracionim centrima boravi cca 2.493 migranta (886 ili 55,1% više u odnosu na septembar 2021. godine).

Tokom mjeseca septembra 2022. godine migranti su učestvovali u sedam događaja sa obilježjem krivičnog djela (šest ili 46,2% manje) i to:

- Teška tjelesna ozljeda (čl. 172. KZ FBiH) – jedan događaj,
- Lahka tjelesna ozljeda (čl. 173. KZ FBiH) – jedan,
- Krijumčarenje osoba - dva (čl.189 KZ BiH u nadležnosti SIPA-e, odnosno Tužilaštva BiH),
- Posjedovanje i omogućavanje uživanja opojnih droga (čl. 239. KZ FBiH) – dva i
- Krađa (čl. 286. KZ FBiH) – jedan događaj.
-

Policijski službenici Uprave policije MUP-a Kantona Sarajevo su u mjesecu septembru 2022. godine kontrolisali 49 migranata, od čega sedam nije posjedovalo registracijski obrazac, a tri su smještene u prihvatne centre na području Kantona Sarajevo.

**TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI
NA PODRUČJU KANTONA SARAJEVO U SEPTEMBRU 2022. GODINE**

MJESEC SEPTEMBAR 2022. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	2.493
UKUPAN BROJ KONTROLISANIH MIGRANATA	49
BROJ MIGRANATA LIŠENIH SLOBODE	6
BROJ KRIVIČNIH DJELA POČINJENIH OD STRANE MIGRANATA	5
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	5
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	0
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	3

Sarajevo, 12.10.2022. godine

Odjeljenje za osnose s javnošću